



秋澗先生大全文集卷第八

七言古詩

入侍行贈董符寶

君家大兄吾故識君家三兄乃友執游談仰止有歲
年只有八郎初未覲八郎內時五雲深五雲宮闕何
沉沉此時密邇司獻納夙夕忠謹餘月心人知掌中
金窠篆屈蟠螭重豈識兩袖中有蒼生霖慄聽民瘼
懷惻怛細至稼穡艱苦歌謠情
聖皇達聰豈有既

天語夜叉何叮嚀御幃香暖代鳴玉高枕安寢神遊
清翰忠徃徃掾時弊筆諫不數公權誠君不見西漢
元封神爵問兩朝貴幸張與金長揚蓮句滿宮館正



以世閱遊從列九卿何如董侯剛方見特立大冠脩
劔明月簪日華光動鬱金袍鳴鳳翔集朝陽岑一從
通籍愈忠愨四海知有万石不為富貴之所滄書生
薄游不足惜風化正爾基周南炎蒸幽朔今一軌好
承清閑之燕請君一鼓解愠南風琴

小山行

馬子卿發事贈予小山子月之日
共嵩故作是詩以謝

我管東登泰山頂直度天門歷參井十年西走華陰
東仰面蓬峰落天影岱宗坐如太華立夢寐至今猶
耿耿謁來塵土客京師長往無時空自省愛山復得
馬簽書相對高談冠佩整馬御有石寄禪疏護持擬
與經函俱中峯魁岸大人坐兩峰傍翼殆若庭立而
議相承趨我因閑遊叩僧戶見之清興為起予摩挲

携去便許諾喜過中流失舟還得千金壺汲泉滌濯
挾泥滓特置紫几為膏濡君不見羅池謾作万石記
娛悅已棄荒夷嶠一拳赤岱隨吾前寸碧點出遙岑
圖博山香煖黃金爐細烟蒸潤翻飛鳥苦菲來助怪
石供縞帶一縷山腰紆有如岫雲雨歇歸洞府變化
滅沒還須臾羗予本是山澤臞澹然對之氣安舒年
來便靜百念冷今復樂此依倚仁者之徒歟山容忽
開欣我主瞑目便到秦觀吳觀之仙都茶甌去手風
生臆飄飄如駕天門昇月明窓影印庭榻落落恍倚
秦松株地爐火熾紅艷發又似日觀坐看日出海湧
金輪孤茅齋一夕得此樂冷却案上熊蠅腹微官不
到奇章公甲乙乃有奇章之一太湖它時南歸富潤

屋不愁室無僕擊居無廬敷勤厚賦何以謝我欲贈
之瓊瑤瓊瑤雖美未足報拜昭新詩永為好

沙堤行

君不見漢家日月四百載比隆三代追唐姚經綸帝
業顧多士規隨始自曹與蕭又不見丙與魏孝宣中
與賴宏濟伯漸變理化權衡重以文儒緣吏事羽毛
千古動雲霄黃閣清風兩無愧渾渾政府中書堂朝
廷思治具畢張歷觀至元中統間諸公朝翔佐時昌
相君繼踵恭慕畫快決不數陳元康况今炎風朔雪
混一統軍國庶務何穰穰一朝鳴佩見獨步恩波鳳
沼灑晴光小心清慎富籌策人望翕爾稱賢良房謀
古推惟慳傑匪以杜斷疇能將幾旋衡幹日万計夙

夜密勿心靡遑愛君南選儘公允要使四海桃李俱
芬芳我常叩君見餘蘊選進久已歸鞶囊柳陰大道
沙堤長迤邐遠並宮園傍錯金輕軟襯珂馬火城前
導光煌煌行人走避歎禮絕焜耀赫奕何非常相君
報國有能事澤民三代君虞唐火城沙堤誠足當况
茲三陽排疑出九地君子道長群陰亡借我時乎不
易得為君一言陳斐狂蕭曹開濟固云重丙魏論思
詎可忘

羽林萬騎歌并引

至元丙子歲立春后三日醉入奉御宅明
日酒惡隱几坐殆不能為懷遂取通鑑閱
唐明皇帝清宮事蹟作古樂府一章號曰

羽林萬騎歌善示表弟韓從益且浮大白
數四覺酒氣拂拂從指間出去矣其辭曰
常娘雞晨導慕武牝雞啄李求太女履霜得冰忽深
戒禍始房陵帝私語神龍殿前虹貫日王氣龍池濯
烟縷羽林萬騎驍且雄守捉內外生陰風羈裁文豹
虎衣炳扼腕久弗諸常容潞州別駕眼橫電虬鬚英
姿真太宗暗中結納許清禁繼以幽求玄禮仙鳧忠
玄武門前聽二鼓散亂天星墮如雨平明一掃妖氛
空相王已 是玄真主東城瑞靄朝日鮮五三甲第臨
天淵三郎歸來龍在沼晴波翠灩終南烟開元隆平
此張本烟火萬里春熙然誰圖勇斷蛾眉劍翻作環
兕並轡鞭畫家有玉環並轡圖

瑞雪歌

丁丑歲正月初六日夜作

去歲一冬無雪雨地不藏陽變恒煦就中氣運北自
南江表嚴凝比燕土今年正月日丙申我游中堂聞
好語 聖恩滂濡來九天四海包徭盡蠲取宰臣奔
走播德音雷厲風飛開萬寓油然雲葉合中天一雪
平明幾尺許建章宮闕玉崔嵬華柳蓬萊氣先吐漢
家燕南三百州千里飛章賀恩溥天人上下本一致
和氣致祥乖則異方春甫頒寬大書埃翳四開天地
閉春秋盈尺書有例太史紀言真上瑞都城十日沸
歡聲宿麥連雲見豐歲民願
聖皇千萬春長開明堂布恩惠元和老臣愛君深賀
雨詩成伸戒厲小臣今作瑞雪歌要見天心愛民意

謁蘇墳在汝州陝縣釣臺鄉峨眉山前

神嵩崩騰萬馬東汝流西來橫玉虹山川秀潤不少
悴知有峨眉老仙宅其中先生立朝有大節南遊天
使完其忠曾中英氣蟠不盡餘蘊散作文章宗天章
昭回爛雲漢下探萬古英靈空前年西堂覩先生之
真像今年此山拜先生之堂封嗟予何者有此幸青
慕得照龍淵宮汝陽樓上重回首安得追逐逸駕攀
高風滌濯固陋開顛蒙公雖僵卧其猶龍

雜言送文郎中子周宣慰江西道

君侯交游二十秋曾次磊落誰與儔湖海豪氣老減
百尺高卧元龍樓三年京師驄馬客搏擊快侶鷹脫
鞞郎官民部纔十月持節撫慰江西州堂堂提封幾

千里陽開陰闔無深幽滕王閣上洪都酒孤鶩殘霞
重回首江山滿目詠我歌一曲陽關渭城柳
聖恩柔遠思悠久化自周南同九有大司綜理固多
端急手先須撫瘡痍四民樂業兵有制盡徹湖陂變
耕畝時驅大旆擁行軒布德揚威赴春首丈夫此時
不有為何者功名垂不朽我雖鐵翻思奮飛會把一
麾仍出守

義士姜侯歌并序

歲辛亥秋燕留守府參謀劉坐事就死屬
其孤於友人姜君諾焉既籍沒姜為伸理
其子建官怒其僭張弓擬之姜不少懼即
裸胷以逆邊義而從其請自是姜呂義烈

聞燕趙間後折節從趙雲夢學非其義一
介不取諸人丞相史公賢之以賓客禮焉
至元丙子冬同張彥魯入燕聞姜云亡追
念往事為歎歎者以之渡易水之悲風荆
卿已去念朱家之長者今復何人爰作歌
詩庶幾紹擊筑之遺音云姜諱迪祿世燕
人子尚其字也刘字正卿

參軍屬孤出鬼幽姜侯諾之無幣留一朝赤手編虎
鬚義氣凜凜橫霜秋命輕義重泰山比白羽迎射身
熊侯孤兒挈歸免孥戒姜子拂衣無所欲朱家素擅
長者風睚眦椎埋真碌碌魚紋三尺澹秋波千文聲
華光輦轂至今燕市人嘆羨五百年來未之見張卿

吳鉤佩錦帶寶校千金駒溢目不回顧棄如履中苴
嘗出試所學三年事徵輸衛人樂安使歲計公有餘
淵潛不自珍昭然靄芳譽不覲五載強去冬會燕都
與語覺道勝行身老諸儒神王氣骨清兩目秋鷹瞿
扣門來別我朱幡擁高車去作定州尹志意向安舒
余思潛之功於焉見容與中山物繁稱奧區燕南劇
郡此要途大兄持節官衡湖四郎按部參旗墟一門
鼎足列清要正有報國忠而劬凝香燕寢供坐嘯紅
旗鐵馬無邊虞心清事簡自多暇輕裘錦爛光鄉閭
况君才高足為治聲聞日向天朝趨書來不必諮莛
議丈八盆邊有二蘇

長慶行酬暢純甫贈元白二集

長慶詞人幾勅敵名動華夷說元白拾遺樂府即諫
章相國絲綸號新格天教韓柳出同時要使詩壇闡
清逸年來愛白復愛元老厭風花喜情實圖書東壁
黯晶熒五十年来無是集有時擬賦三兩題斷簡殘
編僅佔畢暢君好書似鄴侯荷囊去躍龍驤舟臨江
醜酒參幕畫佳麗看盡東南州棄人所取取所棄青
帙萬卷堆行軸蒼江夜靜虹貫月不羨克敵琳琅璆
三吳歸來巾一幅蝦蟆池頭兩椽屋足跟不踏貴人
門磊落羣書載其腹自欣滯貨潤有餘贈我兩編償
不足恍遊赤水得玄珠笑入荆巖抱和玉脩脩庭竹
北窻風准備殘年霑臍腹

虎牢關行

至元二年夏六月予與總管陳慶甫考試洛陽東還汴京道出

說似予作歌庶激清風代君傳

趙穆篆隸歌

丁丑歲四月十六日作

古人富席珍璀璨玉無玷兼善不並稱例為長所掩
予觀當塗文雄放雜淒淪一朝玉筋名餘作鋒鏑斂
是知學與才相須成琬琰六經學淵會熙緝光自燄
道藝貴自得舍瑟想曾點陽冰嚮匪斯文徒祇解篆
畫方園撫千言落紙極停穩一雋而後將無餘明昌
王趙稱文儒問書竹溪真起予微言提撕何理到歸
讀六經茲本歟趙郎脩脩姿態殊十年弄筆好古書
嚮來客燕見其作殆似蟬欲蛻殼地遺膚去冬丙歲
復入燕趙郎篆學超於前我為驚懼問所以答云近
得松岩之秘傳惜哉高君今已矣黃壤不沒蛟龍蟠

嶧碑岐鼓得遺法趙郎手追忘寢餐我因為渠槩一
言書至形似真徒然行逢碧落卧其下發塚親得中
郎編曾中塵俗何由蠲正需力讀經與史他時會見
將與松岩並驅相後先

食梅子有感

穉歲食梅矜行輩並撥連揮喙長喙近年羅列雖滿
前黃熟有餘聊雋味極餐不過三數枚老頰流酸牙
莫對物逐時新歲歲同人到中年凡事退潮陽南還
幸不死齒豁頭童足悲慨我今五十齒雖牢食不能
多行亦憊只有區區行志心若與公同人不逮

潛齋歌贈中山知府史子華

潛齋有志操不為浮榮污彞衰劉豪習概之詩與書

其下

鞏京北望河洛郊嵩丘東走脊尾高億初洪水勢方
割湯湯北匯深淵壕千年水去兩崖出天險東阨開
成鞏中原失鹿在所逐河山戰氣秋蕭騷當年劉項
俱勅敵阮生猶為嘆非豪寶王犄角更可笑如蛾赴
燎其能逃秋烟古戍深黃蒿狐狸夜上關頭嗥空餘
千古荒城路輪輿行人說爾曹

送齊彥簽事湖南

廣平一生真相業老坐朝堂振孤節理明有守見不
疑萬事空來能勇決我游洛師比盧龍嗣侯共事多
相從文章翰墨有定價落落真有先相之遺風今年
白麻拜新寵去去按部江西東朝廷妙選正有謂雅

志不負溫郎馳江南綠水天四圍秋風吹野百草腓
煩君華岳峯尖舉着眼飛翔覽德輝

商鼎歌并序

燕士張君文季讀書不求官治生不務富稍有贏餘
即購求古器書畫為事故其家藏三代已來鼎彝敦
卣及前賢法書名畫甚富素負藻識遇夫奇妙不惜
資貨期於必得既得之傳觀惜玩初不吝惜暇則明
窓斐几展飾陳列迺沾沾而喜曰古人不作古意尚
在二代之英精諸賢之純粹今吾何修一朝盡得而
有之其殆古尚友之誠靜觀適懷之樂於斯時也中
心充實意得所寓回視晉楚之富趙孟之貴不啻如
雲烟之過目遇佳客踵門焚香爇茗盡發秘藏為序

說家數評論優劣雍容文雅有都城故家風味於是
稱也仙露寺僧寶藏商鼎有年不惜百金易而得之
愛玩不足復求諸閣諸名勝詩詠喜為序其平生澹
癖仍以古調歌之其辭曰

維商賢君六七作禮重烝嘗制於鏢只緣近古俗忠
厚象形作器窮精鑿敦彘鍾鼎賜臣工重比謚贈縻
天爵當時文獻不足徵故家餘俗歸寡索蒼銅不逐
太杜凶千古流傳誇灑噩供佛牀頭夜壑深物歸所
好得真托張君愁古負精識入手摩挲三歎息兩耳
高撐足拱三六乳附觚何的歷饗饗繞腹雜雷紋紫
翠英英帳猶濕細觀款識商父丁崑玉南金非所惜
平生澹癖心不足此日大嚼情暢適摸形遠紹考古

圖發揮假手詞人筆君不見當年辛叟負謁湯高宗
彤祭雉雒萬黃金塗耳玉鉉光此事傳聞已陳迹一
朝恍惚三毫間神明之器今日擊或裊沉烟讀誥盤
或挹殷谿煮巖石尚友直探三代英平生閱占心方畢

歸夢謹丁丑歲九月二十二日夜夢陳總

管作時為浙東宣慰使十二月二十日密縣

王縣尹至知公於九月七日為越之玉山

賊所害

五更歸夢東南長越州城府山蒼蒼我遊不省夢中
客浮雲樓觀爭翺翔節齋枉駕來就見上廉遙喜瞻
清光倒衣走欲降堦接陳公出避朱門傍斯須往謁
登西堂要話又別傾肝腸我公不之見蕃師滿禪床

卉服雅結古碧眼須眉厖爭先問訊展恭恪青松亂
踏天花香就中老沙弥合瓜伸圓吮向子致呪語陰
福來穰穰思公因覲對佛子坐久心思方彷徨儻來
促起公召汝導我前徃穿行廊追奔接踵歛不見如
瞽失相徒俛俛平頭闖首告前路終惑所徃心為狂
惘然推枕若有變但看落月滿屋梁我思與君別屈
指一載加相思葉黃江水碧神交日夜心曾遐自春
徂秋三入夢似恨海角天之涯吹燈信筆成詩句病
眼溪藤亂紫花時日病新愈又暗用
宋天元九紫藤花事

日蝕詩

至元十四載維龍集丁丑孟冬丙辰朔詰旦陰風吼
朝家有移告日蝕百司守伐鼓幣用杜庶齋關奔走

都城十萬家竟日喧釜缶壯於田單兵聲勢助衝拮
盞水觀日景占刻入午辰刻午正陽精從西虧若有
物噬吞初看偃珥珠弄觀已半輪終風轉蓬勃天影
慘以昏斯須食之既陽光葦無垠始似昏暈鏡久乃
挂鐵鉦團團溢陰影環輪玉爲繩暗天朗晝藏厚夜
九衢草草人面青衆宿不多出爭光見三星謂真星
角大角
三宿只愁六鑿渾沌死蒼生百萬淪幽冥
正輪圓復其明炷香再拜立前廡心魄動盪久尚驚
隣翁行年八十一如此災變見未曾我問長老說日
月中有烏兔精顧兔固微物性狡陰邪萌人間三窟
厭不虞緣雲入月爲家庭太陽養火烏綠森神兵
飼肉祝融家渴飲咸池冷二足利鉤戟炬火燃兩睛

婪婪鐵作咏咏雲下開變陰晴靈世汝甯與距外
侮有犯烏維憑六龍頓轡或少軻知有神物擁護終
是陰為懲不然日圍千里不一蓄接尔其內將何營
及茲陰精盛所歷乖常經陽烏雖神力寡弱勢重不
敵從侵凌避集扶桑枝噤縮潛威靈想當既厄時如
何炎官赤熛不率其徒來助勢與聲彤幢絳天鼓雷
霆振烏挾日騰兩翮火吻噴薄摧陰凝逐兔入月脇
隱伏踰其形撲朔知所懼彌離黯光晶含章合玄度
安曜周八紘天公此兩目萬古更不盲嗟予既匪義
和官區區空抱傾陽誠天高不可階此事難具陳作
詩擬月蝕欲見此志終或伸盧仝撫掌韓愈笑吾等
狂德君其隣

南宮老仙雲山圖

奉襄陽筆應奉李受益藏

南宮玉堂春晝晴
瑣窓霧出幽思清
先生習次幾丘壑
淡墨落紙詩無聲
白雲滅沒春山碧
萬木淋漓元氣濕
風煙自昔鹿門深
似愛龐公不浪出
襄陽雲卧思怡悅
不為濃纖爭巧拙
虛堂生白定何如
玉氣柱空虹貫月

盧仲傑送所逸東萊集二帙

盧卿贈我東萊編
偶逸二帙心茫然
朝來覓送欲舞有似合
浦珠還蠙要書不必三
萬軸插架所貴皆成全
風軒讎校忘午寢一讀三
嘆鏗朱絃每逢佳處時
再款不惜兩眼遮昏煙
就中細味官箴作覺我
踈愚性最便

簽院趙公許惠歐蘇集作詩以問之

平生性癖耽墳籍
細字牛毛早年筆
只今五十眼昏花
清晝看時滿行黑
投身散地百無事
不著書遮如有失
趙公嗜書似鄴侯
不為章句非雕搜
綰持樞紐日多暇
借箸自有胸中籌
更尋往事較所處
有夢不到琳琅瓊
嗟余何者登瀛洲
殘膏未免窺前修
淵然濶海鮫鱐翫
洞視千古蘇韓歐
文如不作作取法
捨是三子將誰求
窮閣雖具何足玩
破碎重黑支吟頭
牙籤插架三萬軸
誰省浙本鋪銀鈎
或蘇或歐兩俱可
勿使石屏成空投
仁存義舉侯門事
却恐乘機似巧偷

巧偷

仁存義舉侯門

涇陽鎮中秋贈馬德昌司南下授監

去年中秋客燕山把酒望月空雲煙今秋此夕涇陽
鎮六合一鏡懸青天乾坤軒豁開真境萬籟無聲露
華冷京居多暇賞心違長路無家此清景須知世事
皆偶然曠却私憂宵刺梗同行喜得馬少遊月下
樽還對影愛君才氣白眉良攬轡澄清知所省
自古出儒冠老鶴何為隨露警人生幾度中秋月不
學羣兒欲圓缺舉杯酌月月應聞安得玄霜變華髮
追逐諸君昌晚節

小邊行一百五日同總尹張彥亨赴小邊
口相視河流回馬上偶作此詩

北趨小邊相河害坐看長隄驚裂壤中流忽起劉子
歎疏濬神功思禹大憶當殘金竟河界兩涯峽束如

紫帶靈鼉萬鼓動地來洶洶聲聞千步外堤防不議
四十年河行虛築任徙遷乃今去京無一舍衝波南
卧翻鯨鱸今年築堤捍滄水明年捲掃防涸淵濤頭
况與酸棗直南北高下尤相懸既非經濟久遠計徒
費民力妨農田正有避移策上聞放之曠野從奔衝
不然建議以土湮大堤縷水橫西東捷以木石東逾
鐘逾河東去過京角此是永逸無窮功作詩擬達宣
房宮

夢陳節齋

至元十六年己卯寒食夜卧開封後堂
夢節齋陳公既覺呼童吹燈信筆賦此
追憶往事令人短氣書示正甫敬甫二

君子同爲一慨也

花枝入簾春夢香
遊絲翻空清晝長
今年寒食客梁
苑追憶往事心
彷徨前年考試
登茲堂陳侯館
予羅酒漿拊床
高詠逸興發不
覺燈前大雨聲
淋浪生平胃臆
向予盡使我肝
膽爭開張重來
物是人不復夜
夢見之晝微茫
誰期此會乃死
別剗血不滅吳
雲蒼攬衣起行
步落月梅影滿
庭空斷腸

信陵公子行與西溪同遊

春風獵獵吹輕裘
聯鑣來作夷門遊
令人遠憶魏公子
徑上吹臺臺上頭
却秦存趙震九土
誰意抱閔老文能
此惟幄之良籌
飢腸自古出奇策
功成何害屠沽流
高皇布衣重公賢
大梁城邊幾遲留
一朝龍驤

開漢業舉功不復詢
來由豈非慕蘭承
餘休嘗讀太史公
今日把酒酌墓周
當時朱門滿歌舞
此日野草荒山丘
醉歌信陵行碧雲
日暮寫我憂英雄
割據雖已矣高義
凜凜橫清秋追攀
逸駕那復得落日
倚劔看神州倚劔一作徒倚

題子猷迴舟圖

勾吳四時無正天
盛寒之月猶春妍
朝來一雪天地白
田父適喜爭狂顛
宜其佳客逸思發
乘興逕上山陰無
煩襟囂慮一洗爲
瀟然江東名流說
戴逵高談禮法廢
春雷子猷恐是虛
華士竟掉空舟夜
半回

山陽早發

躑躅星綴空殘月
烟我行早發山陽
境太行九月未黃

落一片秋光蕩林影愛山竟作三日留心下快活還
自省江山登覽能幾度素髮飄蕭已垂領愧無明略
濟清時性蹇才堪卧雲嶺長疑造物若倒顛馬使守
閭車拄鼎十年欲作百崑游此度徑未猶事梗勒迴
俗駕似有意未許崑畊遂幽屏醉臺劍沼兩寂冥夢
寢賞心終耿：馬頭回首望山門白雲抹盡青山頂

雄狐行按部唐縣為小縣尉作

黃蒿古城狐晝行窟宅深固通精靈群狸闖首潛助
勢跳煙肅月妖腰輕社翁不神名則在將假其柄先
憑陵西隣有田奪已屢東家有羊頤指烹棄機侵刻
恣所欲草棘蔽翳無由薦老罷惑媚過不暇飢鳥噪
豕寒無聲我雖老鷲爪距禿一擊欲示終身懲遽然

脫去成漏網固厚其毒羣心驚眼中雉兔盡何益使
我怫鬱難為情斂翮坐覺秋風生

月老招飲

禪師慰我從事勞臨臯置酒來相邀西軒雖小面流
水柳塘風物春飄滿觥船一棹入法海照眼孤月翻
雲濤既逢方外對佳景不飲亦復心陶陶况師有酒
藏已久快吸儘足供鯨鼇張侯引吭歌未闕嘉甫抗
首賡其騷杜卿尚子噪於側冠佩倒落軒須毛僧云
劉君更開爽惜不同醉持霜螯連揮大白不知數醉
眼四顧天為高出門乘馬復班如壘酌已罄猶飄操
一聲鄰笛起落日追憶往昔懷英髦陵川已矣九帥
死此樂無復爭禪逃眼中文武驚墜地悲風為我從

空號子雖老驥志有在為國涕下沾綈袍陌頭柳色
春向晚南塘碧水深幾箇簡書有程促又去悠悠離
思懸干旄醒來信筆記其事雅集難再誇吾曹阿師
深藏莫輕示政恐見哂螟蛉豪

望黃金臺歌

寄贈劉夢驥

君不見孔子修春秋二百四十有二年燕人歃血纜
一見下逮戰國尤茫然維南聲教恥不與苦羨齊魯
多英賢黃金不惜築此臺當時何限郭隗材政緣市
駿售其骨雲煙轉盼龍媒來古稱得士國無小甘棠
世業如天開悲風瀟瀟易水暮往事不復令人哀昭
王之名傳永世黃金高臺安在哉

越雞行贈柔明憲使

君家素雞何異常來自越裳天一方又聞越溪之女
天下白臨水照影長相將父之氣感與俱化不覺粲
粲爭輝光兩足不盈握軟玉紅鱗芳孤唱有餘韻滿
喙銷風篔簹丹砂暈頰絳冠小雪氈覆背銀絲長雅宜
宮閣催曉箭攔千五夜凝秋霜主人前年列朝行風
雲劍珮爭翱翔歸來故家對此物夜夜夢到雞人傍
呼僮愛養無遠出飲啄長使居中唐深沉庭院紫回
廊離離花影翻春陽今春哺雛九幾輩晴雪亂點筠
籠香我從公子偶見索苦要鄙語為相償初心玩物
物反玩戲吐綵綬信鳴吭他日雛孫求執贄不愁無
物餉韃郎

春溪小獵行

經略史公子明春溪小獵九公子有詩
以紀其樂索予同作至元庚辰三月三
日五夜燈下走筆賦此

春風兩岸春草碧漫漫溪流野鳥集花邊高塚卧麒麟
麟拜掃歸來見豪習一聲畫鼓警鳧飛霜鶻翻空看
橫擊雜披五色墮馬前血灑平魚驚半濕野橋淡淡
夕陽低回風颭颭溪神泣不愁歸具衆賓須紅燭金
盤快鮮食將軍往歲東西征苦竹崖傾江島赤高點
烈烈在雲臺婉戀龍姿見平昔平生得意在戰酣州
郡徒勞非我職明時政有逐禽樂醉聽清商還自適
鼻端出火耳生風夢裏弦聲聞霹靂君不見姚崇奉
詔趨新豐徑入長圍吐竒策呼鷹縱犬少年事大拜

曾從指蹤得君侯逸興浩無邊老作獵師三萬日怕
車過市奄新婦此事終爲景宗叱自憐白髮兩眼昏
矻矻窮年大玄筆

君王有夢渭濱畋苦恨非熊深自惜

野兕行

東山何高與雲齊松柏蒼蔚深巖棲龍潛虎伏變叵
測野兕何者依魏羅暮學豨怒嗥朝循羅所蹊睥睨
弱者肉獮食長林麋內助陰血感外增兇艷平厖然
非不偉椎魯初何知時時具麇餘啖罷假其威復從
群獠弄舉措甘傾危同類忌投鼠將爲真得二獸之
幾微浸淫犯行路跋扈恣所爲窺切乘物便大笑狸
怯狐多疑孤鷄憚弗擊林鳥噪而飛獵師厚其毒使

之自猖披一朝果投穽慘悴兩耳垂掉尾乞衆怜趨
蹠曾不如狐狸吁嗟野兕兮一懲不省爲福基惴惴
且免行人悲

哀老殷辭

至元十七年三月二十日南詔進象過
安肅州軍戶老殷爲象鼻束而死余適
覩其事乃作此辭

哀老殷平時皞皞爲王民荷戈幸不死鋒鏑胡爲此
獸戕其身衰老殷賤且貧有兒十歲纔解語有婦出
戶無完裙髮膚一旦委巨齒身後名在征南軍朝來
棺歛哭過市慘慘悲動梁臺人我聞白傳引馴象爲
君諷諫何忠勤禽玆貴不畜此雖至馴安用云

偉哉樂天古良臣

憫雨行

至元十七年夏四月廿四日自東鹿縣
入深澤午憩西河鄉錄父老語車中足
成此詩時所在祈雨

旱蟲食桑桑葉無穀不出壠麥欲枯人間四月號清
潤物色慘悴幾焚如車前田畷向予說半歲無雨魯
霑濡春蚕滿箔弃欲盡鋤戶趁熟多空廬社翁致禱
略不神眈眈一雨何時蘇嘗聞古人遇災懼性幣徧
走山川雩外修政務內自責念及女謁并包苴昨朝
冠蓋稱勸使田務督責須勤劬農非耕稼何所事勸
至無勸將何趨一和繆鑿良有謂螭蜥滿盎真無辜

我初聞言顏已厚食不下咽心爲瘡憑軾歸時長嘆
息欲對畸人意先屈因思漢相問行將變和恐是三
公職近年氣運例險食忍待須臾莫倉猝驅車疾去
指前途落日蒼茫下喬木

秋澗先生大全文集卷第八

秋澗先生大全文集卷第九

七言古詩

潯沱流澌行

馮征西傳云世祖自薊馳至饒陽無蔓
亭南渡潯沱入信都王將軍霸稱水堅
可渡慶今鼓人指縣東北龍章鄉故河
道曰全渡者即其處也且以饒陽取直
趣異其經鼓縣東界無疑但河自收國
庚午徙縣南行流問諸父老云今七十
有一年矣春秋鼓聚在令縣西五里廢
城尚在今曰下曲陽者是也至元庚辰
夏余按部是州士子張春卿者請余紀

其事因爲賦此

王郎何人著拓黃欲與赤伏爭翱翔漢炎中斷天復
熾肘後頑石胡爲光蕭王揮戈指幽薊戰血滿野風
塵蒼募兵返得市人喙當時南馳亦蒼皇爲鞬城東
溇水長北風烈烈天雨霜前驅候騎兩失色河雖流
斷無可舫菟肩麥飯未下咽大冰橫合堅於梁古稱
王者阨不死淮陵一言殆天使赤龍已渡凌四開白
魚躍舟未逾此壇亭王氣如水清妖毒却斃死灭耳
彼蒼有意開真主固令若輩先驅處君看隴蜀最健
者一旦等蛙終漢虜王郎區區安足數蒼茫此日龍
華渡漠漠野煙生綠樹留在長河閱世人萬古朝宗
浩東鷺

布穀辭

按部饒陽行次劉楚馬上聞布穀偶得
此辭

秀穢寒涼朝雨濕耕隴離離引纜直一聲布穀動前
林萬耒相望竟朝夕良苗芟芟入我鋤結舌深潛綠
陰密田家衣食仰堪與一勤之外初無餘嗚呼禽鳥
司農務勸課之吏當何如

惡鴟行

有鳥不世用其名曰鴟鴞前林崖窟黑飛鳴假狐妖
啄食公私間遼野爲蕭條嬉飽摩高空遠觀聳盤鵬
不憂穴破老妖死惡聲向人恣喧颺正爲腐鼠嚇有
鬚無迴撩病鶻困孤擊霜秋此其朝我病非苦饑我

困非爲調跼跼兩翅坐使窺雲霄老拳固有利不利搏逐之志常超遙倘不與之護返爲物所僥主人一呼良未報不緣自獵矜風標會當攫大惡併驅若類直出六合分鸞鳥錦鞢脫落青絲條

鴻鴈歌爲馬仲溫求婦賦

膠船幸脫長河津朔風慘慘吹兵塵天摧地圯井峪易骨肉離散如驚麕吾宗積德僅不死有淚空洒天街雲歛傳伯姊落斥漳女固有行遠第昆怙恃旣失寧復得得見女嬃如見親最虞身在墮羈縶彼此契闊尤酸辛累糧物色不憚遠西走懷洛東羸秦眼穿足繭幾萬里歲月荏苒三十春竭來古鄆天假便鴻鴈遽接秋風群相看喜極淚如雨恍若夢裏招離魂

軒軒喜氣溢須勾此事希有爭謹聞金鸞誥書五花文紫藤肩輿繡羅茵馬君初非羨此樂一念有在明天倫君不見守真禪養殆常事慎矜毋奉宜相隣高平王氏觀津馬兩族丕顯全親恩更因識姊表宗系衰俗乃爾逢斯人爲君濡毫紀孝愛要使竹帛流清芬

健兒歌贈李裕卿

南來見君喜殊常不爲秩滿身精強掌中擎出一珠新大覺門戶生輝光此生抱弄萬事足脫景錐迫心無遑頭圓骨緊眉目爽已解顧語呼爺娘阿宜自是樊川秀刺備詩書滿百箱

贈滑州龍教授取新

蜀山相繆鬱蒼蒼龍君來自西南方馳聲場坐少年
事筆底秀色翻巴湘滑臺一落三十載丹旌青鬢今
秋霜勅書在手無所得坐老茆屋青衿庠榻來問君
擅術數萬有飛跳天星光方圖據說曠藹與解我中
熱心遑遑又聞天人本一致物欲將至先開祥紫垣
昨夜動光彩進賢奕奕三台芒善生薄命何足道此
去蒼生得小康

馬天章畫廬山清曉圖

平生愛讀廬山高不識廬山何面目眼中忽隨此山
員萬疊蒼煙彭蠡曲江南地早苦炎蒸暖翠濃嵐氣
多鬱馬卿幻作清曉圖特爲千峰灑秋骨恍疑坐我
瀑流下淨盡煩襟貯清淑何當杖履東林游一搏共

吸江山醪

放猿詞

爲提刑副使程介甫作有齊號俯仰

霜林萬葉翻朝紅老狙夢到秋巖重幾年胥靡辨兒
劇物失本性心爲忡主人誰似俯仰翁放之遠野將
何從封龍雲深洞穴暖東山之西西山來衝煙嘯月
恣汝嬉曉驚無復山人扉歸時物情喜兩適豈爲尔
心知不知

田家謠

元祐九年作

君不見訖干山頭雀翔集止其所正緣生處樂凍死
不飛去人生重鄉情疇非戀吾土丘壠蓋世守耕鑿
自父祖一旦委之去倉皇事羈旅豈不知朝辭弊廬
空暮宿何人塢身負逋逃名比訣心良苦我本耘田

客挨排為主戶歲無僭石儲日有箕斂聚刻肌醫却
眼前瘡肉至無刻瘡愈腐支持非一朝寤至空揮楚
東隣匠色日優游西里征家厭温飫平時皞皞等王
民一苦一甘遽如許兩淮悠悠田四開差徭不及無
天災比之老雅轉溝壑一飽而死猶春臺水深林茂
魚鳥樂此雖占語為時哀可堪大府督州縣親臨之
官胡為哉我初聞言為嘆息天網恢恢疎不失只今
六合混一家此雖遠逝何所適但思逋負洒餘民似
此披鮑轉疲極

素馨辭 并序

五代漢劉隱女曰素馨死其墓生花甚
香因以女名目之後人削降香作薄株

以此花蒸之及藝比本品極清遠無濃
重勃鬱之氣顏公仲復詞余試之誠然
作是辭以紀其異

紫擅為屑世所珍降香變體吾未聞漢宮有女號素
君歿而墓花香若薰降擅氣味多濃蔚蒸以素馨清
且淑顏公袖出赤龍鱗入手如游衆香國夜深一柱
雲滿室素馨之魂降鶴骨君不見西施苧蘿山下子
膏沐深宮轉清美一朝吳亡隨范蠡隣女效顰終莫
疑素馨得名從此始

宣和寶墨歌

贈顏提點仲復

宣和殿深春晝長老徽宸翰昭回光黑卿入奏少許
可追逐五李參三張猶甲古法出新意萬笏細搗和

龍香宮鴉借色翻朝日三十六宮香霧濕鳳飛龍舞
九天來雙影盤盤落玄壁流傳人間今幾春顏公得
之知所珍有時一勺試曹溪翠研靈霄看玄雲錦囊
舉世爲寶玩阿知尤物反玩人以茲過客目有屬重
似連壁輕埃塵厖有善客秋澗子老不道進技乃伸
右軍筆端有陣法需此甲者方通神作詩一笑師應
聞

寶鼎歌贈開元僧法恒

僧回來自勾吳天袖携寶鼎心欣然遠遊萬里無長
物愛此古色暈碧玉有煙土華十年不敢嚙夾底錚
錚堅比鐵雲雷繞腹走神光兩耳孤撐伸螭屈隨我
初驚見心魂動老眼增明喜生頰憶在玉堂觀博古

此鼎依稀冠周譜摩挲龍款四十九王自成周徙居
楚細看云是季妘彝享錫臣麥無乃祖君不見殷盤
夏鼎令何有此物區區歷年久供佛牀頭夜怒深一
旦胡爲落吾手斯文三代周爲郁孔意姬情子素守
嗜心旣至開有先夜半燈前負之走僧恒拊掌喜有
歸却恐獅王怒如吼

義俠行 并解題

予爲王著作作劍歌行繼更曰義俠或詢
其所以因爲之解曰彼惡貫盈禍及天
下大臣當言天吏得以顯戮而著處心
積慮一旦以計殺之快則快矣終非正
理夫以匹夫之微竊殺生之柄豈非暴

豪邪不謂之俠可乎然大姦大惡凡民
罔不怒又以春秋法論亂巨賊子人人
得以誅之不以義與之可乎又且以游
俠言古今若是者不數人如讓之止報
已私軻之劇軀無成較以此舉出于尋
常萬萬也凡人臨小利害尚且顧父母
念妻子慮一發不當且致後患著之心
孰為不及此哉然所以略不顧籍者正
以義激於衷而奮捐一身為輕為天下
除害為重足見天之降衷仁人義士有
不得自私而已者此著之心也何以明
之事既露著不去自縛詣司敗以至臨

命氣不少挫而視死如歸誠殺身成名
季路仇牧死而不悔者也故以劍歌易
而為義俠云著字子明益都人少沉毅
有膽氣輕財重義不屑小節嘗為吏不
樂去而從軍後與妖僧高北行假千夫
長歸有此舉死年二十九時至元十九
年壬午歲三月十七日丁丑夜也

君不見悲風瀟瀟易水寒荆軻西去不復還狂圖祗
與螿蛛靡至令恨骨埋秦關又不見豫讓義所激流
身吞炭人不識劇軀止酬一已恩三荆衰衣竟何益
至今冠古無與儔堂堂義烈王青州午年辰月丁丑
夜漢元策祕通神謀春坊代作魯兩觀卯鬼已禠魯

夷猶袖中金鉞斬禹劔談笑截取豸臣頭九重

天子為動色萬命拔出顛崖幽陟陀燕血濟時兩一

洗六合妖氛文夫百年等一死死得其所鳴毛翰

我知精誠耿不滅白虹貫日霜橫秋潮頭不作子胥

怒地下當與龍逢遊長歌落筆增慷慨覺我髮堅寒

殿殿登前山鬼忽悲獻鐵面御史君其羞是時授南臺御史

贈僧芝庵

我吟越雞行君在西溪席軒然一笑喜相逢秋水為

神犀神骨西溪提筆顧余言渠乃芝庵名其藉下階

揚袂遽別去三載不聞音與迹榻來扣門忽相遇供

膝高談論平昔升堂幾作獅子吼兩花散空衣不濕

近便對水洗心法塔廟龍宮如避敵南游梁園東入

魯所在英豪多舊識公材吏用眾所稱風土河東見

雄碩皇皇仁義昌黎公當時救世心何亟浮屠性還

非一輩例欲加冠嗟莫及芝庵洒落澄觀流我匪潮

陽徒感激歷山風煙春事深七十二泉俱可吟一庵

靜卧挂飛錫布地不羨千黃金只緣萬象森羅妙到

處行窩是賞音

題右相文獻公畫鹿圖

明昌昇平兵四偃帝樂餘閑見丕顯時從靈囿麟嘉

賓復引詞臣事秋獮風流右相東丹孫不為丹青侍

游輦曉烏德業魏文貞下遂物宜隨醜毳泰和行宮

漢五柝柵葉秋山如繡錯鹿鳴不盡君臣歡色從歸

來寫麀角群逾知擇美陰遊雅馴似應駟虞作食苹

呼友見天全筆底龍騰驚濯濯蒼然角尾千金姿我
找老眼三見之至元甲寅年觀王氏所藏公書卧鹿
二十一年甲申三月十四日於會就中雪毳何多出恐是
蘇即律義甫又觀三日鹿圖

桑災嘆

穉桑發暮春綠葉光旋旋田家歲計固不常農婦相
桑掃蠶蟻黑霜一夜從天來萬樹焦枯遭燎燬今春
結以海多風剪碎枝條生意靡天孫仰訴錦機空寓
氏倚壇如喪妣蚕生時序三月尾過晚終非應時美
只緣闕飼勒遲生徃徃中乾空滿紙山東自古絲纒
窟火收之年有不熟一婦不蠶天下寒况復例災過
慘酷緼袍雖弊歲可卒所嗟盛陽月陰疑返尔肅府

州文移速於火稍緩申期慮難復不知和氣誰所傷
田野疲疇先被毒部家科勘動正月中省限催嫌不
促老農拊樹漢不已頃年來災免絲微楮幣人言此
是前省過但恐已免復徵又似去年秋稅例

入奏行美

聖政而重民急也

贈崔中丞

盡不見燕南饑民行且泣膏澤屯來三百日委沙嘴
汝憐需稅石人生鄉土孰不戀一殍迫臨那得惜扶
羸載瘠總南浦鷓面鳥形猶努力比之坐斃不相保
趁熟庶幾延旦夕刑司府解兩虛文道路無言空嘆
息吾

皇德並唐虞聖軫慮斯民期日靖傳聞一介或可相
不問草茅分政柄因思治道責有歸未洽鴻熙臣下
病纒豐祿秩即患失又以材踈難仰稱躄而不去禁
無聲老鳳飢鳥同一證西臺入奏沃淵衷踈踏群疑
開善政盡蠲秋賦出御女百色支供皆省併若稽黃
屋

帝堯心一語又安無不聽萬方歡喜聲一饜遠過漢
家寬大令三錢斗米說開元二稅戶除聞大定限田
固是平世法未免區區與民競况今江淮歲入數不
貲經畫有方財恐贖人和天地氣自舒一兩行隨明
詔應老癯扶杖願少留又賴
鴻恩秘懸壑兩河千里來青青頌賀有年

天子慶

是年三月凡七日燕延南至
河南皆大雨有三二尺處

紫藤花歌并序

癸未歲三月二十八日宋賓客乘澤車

過道宮訪余時庭中紫藤花盛爛若錦

摘道師蕭公邀宋與余坐藤陰下尋友

人張明之亦至酒數行開口笑察殊適

然也宋因出名紙屬予作字一春天氣

不佳此日頗清潤可愛既援毫覺幽香

馥郁時集筆端放手喜書初不計其工

拙也遂話及樂天夢元九故事子曰二

公雖神交如此恐未若今日之樂術也

若取紫桐詩例賦長句歌之以爲他年

林下一段奇事可乎宋曰吾子便可承
當遂率爾而作歌曰

竹宮瑣旋雲霧垂紫藤花發何歲鞋仙家駐景出異
供橫揜桃李無晶輝群蛟奮螫力猶困鱗鬣不耐漣
風吹天孫夜擲紫霞被蒲意下覆須春曦幽禽縮喙
不敢啄囚鎖恐泄蒼精機又如王愷紫絲障跨雄闥
後光陸離倒冠落佩衆賓醉臨風零亂千纓綫虬柯
扶踈散蒼翠季倫擊碎珊瑚枝青宮賓客今困綺杖
藜杰扣仙人扉遥驚紫艷翻半空造物乃尔爭新奇
君不見香山老居士夢與元九神交馳覺來清吟增
悵望紫桐花下空懷思何如吾儕時燕集對牀話久
藤陰移興餘屬我掃牋素爛柯不着山閣某刺管入

戶要學騰蛟螭鳥歸花落香下來時集毫彩露人衣
一杯春露助香潤清氣貯滿詩人脾依依青身厨煙
起好命庖人辨新美炷香供具禱群龍莫學癡藤蟠
未已燕南饑民饑欲死時昔早無
雨二載矣

聽馬姬彈明妃引

踈簾映閣春晝晴篆煙一線浮雲縈主人娛賓出雅
樂疑是雪江一泓分得岷峨清當窓初調逸餘響大
絃琅然小者音冷冷衣冠四顧靜且好漸覺指頭淅
瀝風沙驚白云明妃出塞引當時去國難為情黃雲
馬上幾千里昭陽宮殿孤鴻冥琵琶恨絕環珮冷漢
月空照黃昏城千年謾向圖畫見一曲能寫離鸞聲
我非聲學固不解古道古琴誰復聽洋洋盈耳紛纂

第

讀舜廟碑

至元廿年二月七日同劉節使景融由西園過舜祠入真陽庵觀唐貞元間顏魯公子頽所書幽州節度使韋稔重修舜祠碑書畫端莊殊有父風

劉君邀予閑散適行過西園感疇昔來遊長憶至元初隱隱故墻猶竹色半陂春水浸遺臺歲與都人作寒食綠波乾後燕無泥野粉飄香土華碧相將步入野人廬求訪貞元虞廟迹我欲遠叫蒼梧雲重華一去寧復得殘碑不逐劫灰空扶持信有神明力道人拱手詭向予拂拭顏書三嘆息

聚星鳳池硯歌

宋賓客弘道出端研示予背有七眼題曰星聚鳳池其狀皆作人目平豎蓋未狂見也先生喜翰墨又目疾新愈即得此硯豈尤物有歸將為文字之祥耶將洞發神光增雙明於桑榆之境耶喜為作詩以歌之其詞曰

硯之同功甲與鋌試之敵場惟利堅其或返是奚用焉嗚呼此硯從何傳墨華猶帶紅雲鮮景星會并舌有泉鳳池春漲光流淵松風瑟瑟聽磨研君看淚眼真茫然斲手愛惜猶珠蠙江山秀發駭一世乃今碧眼開癯仙先生神光還舊觀皎如明月澄秋烟潛心

雖澹開有兆不尔此物胡為前硯園喚起襄陽米走
虺驚蛇見醉顛

贈張道士

字懷玉孟津人
易學莊名等書曾為童子長春宮

大方之家本靜虛天地俯仰真遽盧鷓鵬氣化分小
大二者角勝相乘除天真所至自行火閨風蓬苑皆
焚如先生超超萬里鶴跼踏肯受樊籠拘潛心大易
中有得南華禦寇資譚餘未容飲啄遠雞鷺歷遍物
表須人徒紫微二兄老且健一念天頭存斯須今春
掛囊海子觀此身之外筆瓢無鶴鵠何嘗沙水寒心
迹自與間雲俱君不見三茆道士稱博洽當暑講說
方舒徐怪魁適從何處來怒罵似泄仙經樞張鍊師
宜何居談天有舌儘雄辨閱世雖泊寧忘軀神僊近

日足官府道心元與時情疎履盈鄭圃適為累慎勿
出口它人狙河南秋熟一萬里遁身丘壑真良圖少
室山玉華溪紫芝曄曄青松肥吾獨胡為坐長飢約
君歸袖風披披

辛夷花歌

癸未四月十三日
新樂道中作

樂城城南沙水溼在漢名為新市里中山遊燕此離
宮亭沼當年百花底至今辛夷植縣圃我初來觀欣
細履碧桐為身梅作葉好雨初晴更娟美千年故苑
風土香草木含滋猶泥泥每逢臘盡花已苞滿眼故
家毛穎子宛然白賁插秦冠載事彤庭紛內史春風
芙蓉散木末紅影亭亭失秋水騷人取爾為楣梁詭
物豈獨誇芬芳柔姿中有孤潔操首出庶物翻春陽

我因繞樹三嘆息喚起湘纍共一觴

至元癸未夏四月廿五日同獲鹿主簿蓋

義甫同遊封龍上觀宋人碑云昔趙昭元

知又云遷老童徐公種

龍首峰高幾千尺暮雨濯山山更碧我遊上觀風日

清手弄寒泉看龜石幽人愛泉說向余藉此啜樓從

自昔駱元真遇事微茫丹素曾傳不死方山林長往

世所有白日仙去誠荒唐祇有徐童花色異秋風開

處滿山香

題桃源圖後

至元癸未夏五月二十日經略史公啟

余樓居燕語仍袖桃源古畫二大軸

佳筆也公因詢茲事有無其意果云何者明日賦此詩以呈

君侯示我桃源圖綉素剝裂丹青逾衣冠俎豆三代

古鬢鬚物色開華胥當時傳記羨樂土序說本末何

敷腹半山歌詠似撫實昌黎論列疑其虛千年繪彩

見遺跡桃源之境誠有無君不見淵明千古士心遠

與世疎羲皇而上每自況肯隨澤雉樊籠拘絃歌歸

來朝市改故山田園松菊蕪斜川風景固足佳未免

結廬人境車馬時喧呼復讎宣力兩不可天運乃尔

將無如邀觀高舉深意在安得超出物表冥鴻俱因

緣開此武陵說記彼奧隱稱樵漁不然果有繼問津

雲煙出沒何須更又不見山林不外天壤間迥與世

高皆仙居挑花流水窈然在放浪而耶斯人徒放浪而耶斯人徒

贈九萬戶

昂藏野鶴誰能馴澤雉雖美終無神一篇秋水江海闊雨袖醉墨雲煙春猿翁學劍事跡秘蘭舌解紛詞調新萬事人間歸一喙雙旌燭影見來頻用淮西將後常賦燭影在雙旌上此酒陽雜俎二枝

嗟嗟住河濱

嗟嗟住河濱瀕河之患愁殺人虎狼肆暴猶可禦秋水時至其容奔農民家近野河居活計趁種河之淤比年旱曠我頗獲鋤口之外供王租昨時一兩川澤通黑浪夜捲田廬空畸人何止賦分薄有家舉葬魚

腹中嗚呼山震虎害水即毀捐瘠斯民老則已

溇池秋漲行七月十日前次道來更作

君不聞蒙莊說秋水兩涘猶見馬與牛今年溇池水大漲墟落澌澌生魚頭雲蒸老雨注萬壑上不少止下可憂馮夷不受上所制黑浪怒蹴鼉鼉遊望洋東視誇海若似憤蛙比跳躍并坎秋金行氣肅坎宜縮狂瀾不逐西風收東行我濟小范口水勢森湊方淫流秋未盡為魚驚餌廬舍漂蕩迷田疇二年旱曠例乏食彼稷幸得逢今秋嗟哉一飯到口角滄沒無望將誰充河防久廢不復古惟預捷治為良籌翻堤決岸勢不已雖有人力誰能謀近年遇災幸無事其或成患徒嗟諷兩河農民被災者逃避無所棲林立夜

深投宿闈聚哭悲聲暗與蟲聲啾

謝安從事見贈放生池碑本

我嗜顏書觀欲遍獨有放生碑未見昨過高齋偶得
之喜氣津津晤吾面安卿捧持即見遺物遇真賞茲
何爲擬渠所愛適余願風義矯矯非君誰君不見集
古書成叙說長坑而欲老希歐陽最憐若雪溪邊月
一夜分光照客牀魯公石刻在茗雪兩溪間故云

紀夢

癸未夏六月十一日夜夢劉使君相過
腰間佩二寶劍解以示予又袖出書一
卷曰此君先世筆也底色黯慘字類離
堆用朱鈔填若新髹漆者與之語甚洽

劉貞肖河間劉清卿旣而爲風雨驚覺
問夜漏下三十刻矣

劉使君跨蒼麟翩然而來空際雲腰間寶玦佩兩劍
青蛇躍出光粼粼誰爲昧平昔款語情何親復爲袖
出先世書一卷底色黯慘皆奇文大如離堆幾百字
鉤絡朱墨殆似髹漆新殘夢忽隨風雨斷破窓驚聽
怒濤奔

平原行五元甲中
正月作

羯怒騁兵傷濫恩天寶之禍將自焚三卽宮中略不
省履霜有戒知何人平原蹇蹇真王臣沈慮義識幽
營氛泛舟從酒運奇略一日樓櫓驚雲屯鐵輦南來
從獵火河朔風靡煙塵昏孤城平地獨與抗勇鼓義

旅爭鯨吞西開土門倚蛇陣南激睢守避進垠滔天
腥穢思一掃誓與此羯不兩存書生信能立大事竟
掣賊肘西南奔事雖曠代有足感魯公之義世所尊
我來弔古增未慨蒼煙草樹連荒園欲尋遺廟不復
見寶刻留在東方珉拙蓋亭前野日曛平原城下野
忠魂朝廷何嘗容直道志士蹈難甘捐身此心自視
無愧已一時知否非所論嗟余何者敢跋慕屢書不
厭泉鷺分當年紀載兩鬼域九泉奄奄隨埃塵先生
一死回不朽雅操何翅同松筠故應烈日秋霜氣千
古堂堂凛若神

常山太守歌

天寶之政植禍根明皇寔安知不聞海棠紅嬌劫支

綠玉笛吹滿長安春潼關之車空璘璘曲江水邊多
麗人羯奴東歸叛意決先以羽獵驅其群朔風萬馬
捲遼碣殺氣已慘淖泥垠常山太守臣額昕聲勢哀
合平原軍憤提一旅徇國難捨誠心手遠橫奔桓桓
表侯復何壯羽翼勁翻張其鱗長蛇中擊斷首尾後
掣其肘前行屯西開土門引義憤再廓宇宙清埃氛
天令完節界二子漁陽游騎徒紛紛天津一死有餘
烈夢入帝寢何其神只應千古雷霆氣長與先生洒
怒噴

負龍行至元九年四月邢堂作命植於易等處

炎風吹沙官路赫穰穰羣奔密如織筠籠脩檐不留
行一寸蔓藤土膏溼蔓藤來自海南陬厥貢不入禹

所收一朝進御列珍品何異草澤加公侯昌黎不須
感二鳥物有時遇非人謀志士何苦身岩幽

秋澗先生大全文集卷第九

秋澗先生大全文集卷第十

七言古詩

華不注歌

齊州山水天下無樂源之峻華峰孤秦鞭有力驅不
去天遣一柱標齊墟初疑太素女媧氏補天斷手茲
遺餘又如翠鳳翥郊藪來應世瑞開昌圖南山連絡
雖可愛未免阿附相承趨孤撐直上來右碣猛視又
似天門龜慶封齊豹兩元惡哆嚙猶露雄牙須不然
齊太史寃血凝碧老不渝化成直筆挿天外堂堂使
表春秋誅乾坤乃有此雄跨未許鵠藥爭頭顱江山
勝槩儘軒豁遠客吟眺增躊躇李白上天不可呼雲
煙變化何須更後人摹寫觀天巧百匝空繞青芙蓉

文章李杜光燄在有詩無詩將何如我思齊晉迭堆
長山靈柱被兵埃汚桓公九合猶霸事三周其下真
誇諛會須扶策凌絕項望入蒼梧叫帝虞

一
釣突泉歌

沉流峻發王屋顛世以獨達神其源不知悍駛勢所
激玉虹那待馮夷鞭狀流渴馬穿歷背海眼洞徹開
龍淵嘗聞棄糠黑灣復此出明見下與地脉相勾連
雲魚吹浪雪濤湧鱗屋擊鼓春雷翻我初來觀冬十
月陰火下煮湯池煙洪濛元氣東山作蒼江屈注倒
景懸少陵撫掌嘆奇絕未若玉塔突起掀晴瀾天機
幻出此怪供欲洒飛雨清塵寰當年小白會水上春
秋見書名不刊吐哉齊晉兩蠻觸千古事往風雲閑

漢家包海歸一統霸氣何有諸侯壇清冷無復敵血
汗甯沸不洗陳恒姦我讀太史書風聲氣習隨山川
齊人閭達多匿智政恐功利爲當然安得此泉盡變
作醇酎一醉浩浩還吾天

東坡海南醉歸圖

元祐諸人等圭璧司馬之相國柱石什碑錮黨無不
至棄若泥沙初不惜當時何有雪堂翁一斥南荒無
復比那知茲遊奇絕神所相海水天容清一色鐵杖
橫秋瘴霧空新詩落筆魚龍泣楓香樹高溪雨濛醉
挽黃衫兩頰紅多隨父老燕同社或喜契順來相從
一朝竟作遷客沒造物未見哀龍鍾豈其中川淑氣
到尔恐終絕故令着此眉山公故令着此眉山公

河冰篇

庚申前三年予以事赴汴次中澗值雪
者三日時大河走凌因卧紅蓬間聽河
冰拉船而下其聲瑟瑟可愛嘗欲一詩
執筆輒罷今日率尔得此殊適然也時
至元廿二年秋七月廿一日也

大河疑寒冰走片岸深爭逐盤渦轉沙頭卧編凍欲
僵細戛舡舫聲自顛幽人蓬底聞河清錚錚劍佩相
磨鳴鳴如竹軒蕭洒帟半罇醉枕夢破風冷冷錢塘
水樂世所愛求音寂寞將誰聽安得湘妃鼓瑤瑟波
間細寫宮商聲朝來賦就河冰篇骨中餘韻猶愴然
浮聲切響何足異記我深津待渡年

短歌行為王泰政秀才作

君自分携今一紀疇昔四更來夢裏金鞍相值瘦陶
南君亦遠回還故里酡顏喜意見眉間欲叙寒暄先
称倚也君諱相隨行過縣廨西指說民居昔何美邀臨
甲第予力辭亦為前征趣行李夢中不悟死生分別
后寄聲無棄鄙探囊傾下粗救香送余不到河之梁
囑余南去路亦遠持此贈君為裹粮恍然形開無所
見落月照屋空微茫蕭蕭香草宮墻綠暮雨梨花寒
食曲樽前浩唱意何長轉首先輸光景促我思夢境
再自開君侯施施胡為來賦詩非欲徵後事今世死
別真堪哀因見故人雖遠猶在當時懷

荒鷄行乙酉九月四日

茹簷月落霜稜稜夜半起聽荒雞聲不知首唱自何
處喔喔滿城爭亂鳴尔緣氣類司早晏乃今失職能
無驚淒風吹空星斗黑漫漫長夜何時明萬事紛紜
每如此不煩劔舞蹴珉興

龍在田詩

我夢長橋秋水落俯瞰澄淵見蛟鰓絳綃百尺卧彩
虹足尾鱗蒼閃煙壑我因投石起幽潛不待雷轟隨
奮躍神光照野驚在田驤首徐行軒鬣角野人奔看
若雲從洶洶呼聲連寥廓余方闖視女墻間走欲攀
鱗不知却超危如坦略無難剗隨崑梯扣丹閣寶香
佛界幾龍龕萬拱千梁金碧錯恍然夢覺聽夜漏四
鼓將闌五更作因車夢蓋此何因無乃吉徵先我覺

龍爲乾陽主善幻既見于田德施博乘高臨下近清
光雖險當前無所過行穿崑閣得金界動止其間爲
善樂援毫億度兼記時仲冬辛卯之夕歲在醜

讀五代史記作古樂府五首

揚柳枝辭

唐昭宗天復三年梁王温辭歸鎮留宴
壽春殿又餞於延喜樓上臨軒泣別因
賜揚柳枝辭今亡乃爲補作

揚柳枝風吹何裊裊暖煙如織綠絲柔延喜樓前春
色好臨軒奏曲送行頻梁王重有回天勳一忠之外
何復云安得高祖太宗之業如柳新

檀來歌

汎樓舡下淮浦百萬虬貅歌且舞不殺降不掠虜吾
君帛伐真湯武爾檀來不欺汝皞皞王風樂吾土

椒蘭怨

昭皇迫東遷望絕忠臣援堂堂鴈門兵秣足速禍變
帝酣長星杯醉魄迷椒殿神龍失水机上肉惡梟啄
門夜漏半龍興赤霧天爲紅一竈三百皆皇宗唐家
大業至此盡自古亡國未有若此之哀恫梁王歸罪
將誰給奴輩雖誅天有在金祥殿空殺氣高賤珪白
刀專相待

汜水行

五季權在兵逆順係財賄同光當宁能幾朝牝雞司
晨頃內外亦都買宴物山積盡入掖庭充內費君王

政荒優宦狎將相無辜恣誅殺蜀資百萬賤所徼縱
有其能供近渴一夫夜呼汜水東絳霄樓頭兵反攻
雍陵竟墮所好死英武杳逐仙音空先皇有識如相
問三矢雖還未克終

劉山人歌

劉山人黃鬚模糊衣袖樓箸囊藥笈手自携親詣宮
門來省女將軍物色不少差其奈石方爭寵媼被駁
吾父已兵死何物田翁來屏汚椒房恩遇望遂空破
帽東歸心痛楚長吁行念樂天歌不重生男重生女
此事到吾爲妄語嗚呼五季皆天民人倫濁亂踈反
親當時垂韜同一氣天理何有劉山人劉山人莫悲
泣伎方終老固賤貧却免誅夷爲外戚

後餽牛辭

春半我田耕未辦兒輩休稱牛力緩自冬皂養日已
久當用猶贏功有間吾今勗汝汝則聞朝昏飲食無
過勤兩家計口三百指一飽入手皆渠身三公投筆
尚歸畝况我本是蓬蒿人微茫煙雨孤村底恩與天
隨作近隣

春寒曲

家居對病妻書空咄怪事人生百歲能幾時風雨晏
愁還半是一春寒克中傷人紅朋碧友落酸辛今朝
晴暖烏鵲喜寒食數日無多春脫巾自漉牀頭釀待
與東皇共一攪

驅狼行

隔溪衆號呼驚視驅兩狼竄伏草莽間毛色隨蒼茫
此物胡為來顧睨何揚揚我觀五行書據理論灾祥
吏貪政暴狼鬻人此說聞自蔡邕與京房述傳共縣
東殺人食路傍獸威孰擅恐自爾竿不搗刃良弓藏
又云村墟去山近群行獵食為尋常豺狼當路古所
畏野獸走壙何庸傷君不見漢家良吏龔與黃當年
異績何章章嘉禾朱草滿郊數麒麟鳳鳥爭翱翔

寶鴨歌為劉者作文卿賦善善皇是極數學

天雨新晴秋氣肅時秋霖晴零暗用賈誼秘書近住
城西曲入門坐定有餘清既領玄談出奇物翩然寶
鴨立玉洲儘著龍香貯脩腹麝煤融液須臾間蓋田
春暖煙生玉引九不惜吐氲氳要徹天心穿月窟漢

宮豈數博山高晉悒休談鵲尾秃劉著作勿輕出長
慮王孫金彈丸醉中疑似來相觸

漢宣帝幸池陽宮圖

李伯時筆

武皇雄吞老未已歲歲開邊兵四起嫖姚出塞屢策
勲武絜陵降終國恥騰凌蹂藉五十年饗功歸到會
孫宣萬方解辦盡內屬龍庭南北無烽煙池陽五柞
郊歌裏五日賜酺餘燕喜呼韓稽顙謁甘泉欲示雄
誇先就邸大陳還縱萬人觀豈獨珍奇紛錦綺歡呼
歸作北庭藩萬代稱觴甥舅禮君王燕犒不知勞鸞
旗直上中渭橋茂陵王氣如水清建章宮殿春雲高
從此臨軒舒化日一聲宮漏出花遙出花遙一作等虞
宮漏一作清蹕
入奏行送右丞史侯

十年不見汾陽面萬里朝

天來海甸神鋒照眼倚青冥黃色充庭明羽扇張燈
開宴見談噓慘澹風雲餘百戰嚮來作牧與開府總
道臨機能制變漢家六合頓宏綱民事正煩真空便
只緣報國忠義烟幾度恩綸回眷眷我識君侯禮數
寬德威無地不交驩此行入見想膺奏大計不出兵
民安兵民安古人念此良爲難因思先相台衛日退
食歸來事簡編

送雪堂南行

雪堂矯矯僧中英今年遠作餘抗行竭來過衛首謁
余特以贈言爲寵榮君不見韓潮陽昔交僧縱暢與
澄詠歌序別欲傾倒祇以文雅爲推稱不似阿師高

義烟要飛花兩到南溟

樂間老人歌

奴哥總管姓栢德名繼昌以小字行蓋
灞陵舊將軍也今閑居鄧下自號樂閑
老人聞予名甚喜詢所以襟抱有不期
同而同者千里求詩此意不可辜也因
賦是歌以贈庶幾酒酣耳熱後放聲而
歌之猶足以見故家餘習云

浮生擾擾駒過隙守虜抱囚真可惜晦明光景一月
間開口笑談能幾日一閑未老方是閑已老謀閑何
所及須信閑人是貴人束縛軒裳枯亡客况復筋骸
血氣衰聖有嘉言戒貪得樂間老人達此理自放閒

身樂山水君侯年甫五十踰解官歸卧南陽廬風雲
寤寐鞍馬事錦幘脫落秋鷹孤飛揚跋扈竟何用此
身健在間爲娛大詔掛壁龍在匣追逐弋釣須爲魚
有時逸氣蟠不盡猶擬去射南山菟君不見邵平東
陵時何若瓜田心如後堂種竹前園蔬月下自理
淵明鋤客來大笑猶有事茶鐺煮月糟立饋古人往
往以樂老此意殆與君相符我今天地亦佚老聞君
此懷良起予何當杖屨與君約江山佳處身若若半
山喚起浮休仙窠尊一醉傾吾餘風流肯落六客後
吟嘯常作三賢圖醉中爲將桓侯鬚君其樂矣歌鳴
鳴

醉道士歌

秋九月二十四日子方曳杖出門有道
士野服褐冠倚立棧下予邀坐階上
目視予者久之曰觀君風骨蓋李唐人
也心事好但蹤跡蹉跎多失事機可惜
可惜雖然得年八十餘數八八後當有
顯擢予言可切記也飲之酒醺然而去
時至元二十四年丁亥歲也因作歌以
紀其事辛卯年授福建閩海道提刑按察使又二年授翰林學士
門前落葉秋風哀麻衣道士從何來
倚立兩棧下若有所諭心悠哉
我因植杖邀與坐拂拭熊羆堂
之階無言瞪目視余久徐謂風骨真
文措前生落度晚唐士心事最好無
纖埃所嗟蹤跡多後時勳罕不

顧群兒哈雖然得年數極廣八八而後
聯星台呼兒沽酒與之飲勸以數行浮
大杯醺然徑去不少顧恍若仙遇神為
開當生所賦諒自知過望榮顯青黃菑
書稱五福壽為至得到八十真洪崖生
平夢異復此遇晚節無乃其行諧吾看
浮世孰不死我已天篤培其才獨醪釐
飯有餘幸過此以徃非予懷君不見通
都與大邑真仙徃返時為借蒼蒼雲路
望不及為渠更上凌風臺

雙峰歌

士達察判携手植檜小山見贈願傳一
詩為信氏家傳其志殊可嘉也遂賦此
歌并以其山奉還蓋詩非山無以見狀

物之體山非詩無以表處靜之用抑又在彼猶在此之義也

金絲堂前雙檜碧氣幹凌雲三百尺蒼精久墮劫灰
寒蟠柅輪困堅似石枝條已蔭百王芳膏潤猶含三
代澤土花漬齒又幾年爲像爲山豈多得君不見召
公甘棠武侯栢特以兩賢猶愛惜後人歌詠尚如此
况是東家手親植憶嘗遊魯得餘材入手摩挲三嘆
息信生爲予好奇觀携來比視吾家蟠泰山梁木萬
世仰何翅如到日觀秦觀雙峰間顧瞻巖巖儘足樂
壁後物有大小聖學俱能全此雖體微道則具終日
環待參吾前古人尚行不尚說正可安靜如山然我
今亦朽不可雕後來登登爭昂霄君家兒子玉雪比

向學說是神超還還汝山聽我謠仰止茲木思惟喬
學該本末貴通徹無使磊磊落落徒有拔俗之高標

過宋義墓

予往年東走魏過楚上將軍宋義墓欲
作詩爲吊而未暇今日與諸生講讀至
義之本末前後諸儒略不見論說因賦
此篇以發前賢之所未發者

秦兵西來勢莫當群雄假義尊懷王我雖三戶秦可
滅彼彘可搏微者或莫傷將軍乘勢思一掃當時籌
策誠難量項家父子本強暴以謀制勝非渠長義維
去暴失之易一死竟墮貪如狼重瞳子何猖狂只知
帳中竒兵化青血不悟鉅鹿之戰開天亡風雲慘淡

蛇作龍安得即遇隆準翁使我目亂狐裘茸高陽酒
徒號狂客醉中两眼何其瞳攀鱗掉舌終歎語兩女
輟洗來趨風英雄有時利不利俛首何限甘長終楚
王店頭土一丘至今草棘荒煙愁我來吊古還一嘅
西風黃鳥聲啾啾

中秋吟

中統二年予客上都館于太醫使王宜
之家中秋夜伯祿宣慰携酒相過全會
者館主王丈洎省郎宋庭秀近人來索
舊賦亂道今亡之矣因追作是詩以寄
二年中秋客漆陽灤江陸海天中央秋風吹空一萬
里誰復斫桂增清光平分秋氣無少陂但覺霜露非

尋常玉繩滅沒澹鳩鵲衆宿何有爭光芒煙霄幸附
應時翼佳節共下今霄堂鳳池鳴佩有餘暇白兔搗
藥秋正香故人携酒喜見過慰我又客同一觴謫仙
杯杓思浩浩芙蓉城闕天茫茫眼中賓主侯與宋胡
牀更對墻東王九迂初不羨時貴一醉逕入無何鄉
人生相逢貴適意浮世聚散真參商當時少陵客愛
國心遑遑夜深飲散卧不寐醉聽金鑰銷倉琅夜如
何其夜未艾披木顛倒尋封章只今潦倒百事廢感
嘆歲月徒悲傷書來索詩叙往事感集難再須揄揚
興未追作固在斐念君久要會不忘鄭重西樓花上
月金波重約醉秋涼

花工王氏歌

城南劉郎携斗酒與客未叅秋澗叟當隅踈縮不敢
坐王姓珪名三十九平生有技真可入好箇春風接
花手木翁奪秀孕黃婆轉眼紅朋插碧友劉郎秀春
趣已成往往豪家鬪招誘王生本出方技家品味神
經無不有流芳轉入百花香豈止橐駝法堪取只今
家住圃田西小橋流水遮高柳會邀一醉百花堂要
藉我詩傳不朽我自東歸今五年小園栽種期幽妍
城中糞壤雜瓦礫雖有美植何由著結根失所固可
惜異品奚獨冰霜纏君不見芳蘭種不生惡草剪不
去此事人間自今古門園子聽子語本根或撥非所
宜一接千金戒輕與

河圖篇答聯學官

三寺澤更為禾頤添粒米自憐微宦西復東且喜所
向無災凶立民得所能事了我祿雖薄亦已豐老農
堅話使君惠我自論功歸太空天子仁聖感致時雍

黃崖行

黃崖峪深能幾許殆似赭餘無足數寧知奇石產山
腰一脈砌如縈綬組青章紫質含玉潤錦罽爛斑驚
製縷楚雖有材為晉用山節星馳來歷觀簡書專摘
正官臨敢惜筋骸嘗險阻褰裳上下谿谷間石角鉤
衣互撐拄是時秋暑八月交背汗浹流氣煙吐班荆
坐憇還自笑汝是愛山王判府守官四載愧無功今
次於公竭肱股役夫分功日有程荷鍾持鏡編什仁
摧堅抉礙先墓脚不假鞭驅矜智取風埃蔽壑散雲

煙巨石砰崖轟戰鼓不遑蠟夜阮孚將真作伐山靈
運舉老翁炷香適何來再拜向山親呪詛溟濤纒分
有此山其在晉邦羣玉圃山靈萃秀不自衒埋沒荒
山幾風雨材爲世用出有時一旦承恩藉君武漢家
製度陋羸秦大起明堂朝海寓堂堂天策干維城建
國分苑開雍土正須壯麗稱王宮不爾何能回萬舞
我今問翁汝何爲扶杖叮嚀前致語翁云匠業居此
山薄伎傳家自吾祖我雖垂老喜見此側陋明揚遇
時主夕陽欲下山更好學巖摺峯爭媚媿人爲物靈
固直然石兮石兮今玉汝

曲沃道中與老農語

大尖山前好原隰隴畝橫縱忘南北人家種麥秋江

空石角此心隨北拱天顏喜動詔賜金一日康侯三
接寵盤盤大獲金湯牢雲間猛將鬚髯豪片言因壘
引降出風義不戒曹王臯蜀山破碎凱歌裏六軍喜
溢秋天高破崗山頭望回旆小臣墮地空烏號察弓
歸來血洗箭又許拜舞趨

新朝命妻賜第恩轉渥絕得主曹浮網艘憶昨先聲
躡鼓擊只今騎馬似雞栖朝來携酒過予飲細話往
昔非余悲事幾翻覆古如此一掾飽舍甘調飢我方
讀詩至秦仲車鄰馭鐵生光輝迺知風聲氣習遠自
文武始歌頌不到秦家非

華故謠一作後

南城巖巖足污穢旣建神都風土美燕人重迂朽厥

載睿意作新思有此一朝

詔徙殊井疆九陌香生通戚里煬城密邇不剗去適
足囊蕪養狐虺城復池隍莫歎嗟一廢一興固常理
今年戊子冬十月天氣未寒無雨雪禁軍指顧舊築
空郊遂坦夷無壅隔寂寞千門草棘荒他年空有銅
駝說我詩雖小亦
王風庶配商盤歌
帝哲

通漕引

漢家鼎定天西北萬乘千官必共億近年職貢仰以
淮海道轉輸多覆溺東阿距泉清泉二百八淪濟西
來與清合安流取直民力少省積水浮網總兩門自

昔河防爭橫議祗辦新芻不勝計宣防瓠子至今悲
以彼方茲功極細役徒三萬暮可畢一動雖勞終古
利累糧荷鍾去莫遲行看連播東過薊休說春潭得
寶歌長咲草即空侈麗從今粒米斗三錢狼藉
都城樂豐歲

珍珠菓詞

有菓有菓名珍珠厥苞葱翠二寸餘絕類王瓜未變
赤緝穰滋膩甘酸俱就中結核大於指狀似草麻色
微紫遠供來自廣南州臣子敲芹心爾耳然觀夏賦
皆邦用口腹所充須錫貢若論橘柚亦常材此物胡
為勞驛送

當熊詞

戊子冬十二月廿五日聽韓陳二生讀
通鑑綱目至中山馮太后事蹟壯其貞
節感而作當熊詞馮元帝健仔哀帝祖
母也

漢家九葉時清宴帝拱深宮樂游讌魚龍萬舞闋來
饜鬪殿雄觀臨虎圈老熊駭逸尖笠出被髮攀楯來
御殿昭儀散走虎士驚盛氣前當無少變大駕臨軒
問物情歛容前對香雲顛妾聞獸猛得人止萬一不
虞身殉難日華翻動喜歸來香飄合殿春風轉君不
見東西兩漢五百載班馬微音儘堪羨元城投聖媛
當熊能以至柔馳至健大笑陳妃望幸心千金空買
長門怨

東征謠 丁亥戊子二年事

海嶽春涵物生廣芽孽中間厲心長盡忘累世卵育息
大悖先王志忠獎馳驅鱗介千萬群洶洶西來擁鸞
翹海波騰沸聚使藏怒鱗奔鱷歸一網去秋剪賊得
渠魁谷靜川空骨如莽今年復作欲盡殫逸德燦炎
駭天吏孽餘走死黑龍東
詔勿窮追令自斃就中縱殺勢難分泉婦畊夫同一
例天兵南伐六十年楚女吳兒供北婢欲知天道返
覆心看取東人復爲隸

下瀨艇 交趾漢羸陵縣地戊子三月失利

家中之木同灰槁炎海波翻震天討彼交事六天理
常歲歲卑辭掉虛表舟師陸騎問罪來力審難支施

機巧彈丸所據五郡地瘴氣爲兵依地利我來彼遁
還則媿一弩千人不容避老天限作羈縻邦不以衣
裳介鱗易昔賢有戒是貪兵若論彼資才具翠南越
作時安陽王治交趾有神人曰臯通造神弩一張一
發殺越軍萬人後生子始質于安陽王切其弩毀其
機馳樂作他與師擊之漢家聲教初無外下瀨戈舡微
主帥一軍膽落陷泥湖二萬選鋒同日敗裹糧載甲
力有餘正坐無人作吾氣軍聲稍振需所援春水旋
艦可弘濟古人堂上有奇兵安得營平與動輩

征士謹已丑正月晦

東風連日沙塵昏兵威掩盡春氣温漢家武備遍九
有南來探騎探何紛紛今年十抽一推去千里起
赴和林七御河西岸殺牧野萬甲照水光觀觀容

有使親閱實不許代名須正身神牙獵獵見北靡精
銳全是嫖姚軍嫖姚出塞路幾千遠戰不過封狼山
征人莫憚行役苦廟謀素具車攻篇君不聞王師有
征古無敵何況彊弩之末魯縞其能穿念渠愛惜腰
間箭會聽長歌入漢關

天星行正月十七日

天星蓬蓬若爲祟彗掃長空徂異位六龍推墮日車
翻萬火分崩碎於地老天變色赤祲如西北縱聞天
狗吠行人匍伏群雉驚凜凜甚於崩角畏君不見天
星懸象萬物精一物下亡一星墜春秋二百四十年
宇斗經天無此異不然大火示厥罰下標人間爲珍
氣月寅歲丑丁酉晨東方向明時又寅老翁百歲見

未省何況地上蟻蝨臣天雖高變雖大災反為祥果
何賴正有德修知儆戒

兩木冰

戊子

公此

月二十日信云極稔韓魏

書冥冥雲族聚和氣滿空天作雨陰邪旁木偃薄之
和變而凝冰著樹巧裁細剪千萬狀稟稟逆風轉玄
霧木翁縮頸凍欲僵辨着乾坤開大素其詳如此見
三朝古說大官為最僱曦輪過午始消釋膏沐奇林
如雨泣少陽為臣冰即兵麟史書徵臣下執當時霸
者互長雄此事胡為非今日

建春樓歌

建春樓頭春日長建春樓前新濟光齊家分食餅多
自有味辨與東人嗜鑪鎗能出禁齋羹樽俎中有蘇

門香層軒高揭富觀覽春潭照映千帆檣吳商楚女
莫空過渠是京樣河馬西京張世間忘憂唯食飲越
羅蜀錦空千箱登臨人具醉飽去共城齊氏真非常
共城齊氏真非常

潜蛟行謝温將軍惠石

温郎少年姿潤秀好古探竒出予右扣門相訪得怪供
鬼刻神刻未嘗有我欣植杖三摩掌秋水潜蛟見蟠紐
何年囚鎖出禹穴不礙鬚牙驚水母毅然見贈初不惜澹
癖憐予象江守深藏夜壑空有戒當畫兒童負之走千金
求買何所得一旦携歸定非偶清泉湔被庸王汝屹立花
間冠吾圍蒼鱗照水勢若動口鼻哈呀欲鱷吼常疑尤
物即神物隱伏地中諒難久宣和族聚失所在却恐雷

靈下來取一春病酒日欲眠忽得此峰如至友娉婷翠
射喜欲舞復訝舞仙來勸酒君不見九成論樂一夔足
萬石不須誇抑抑人生意氣貴相傾走筆酬酒當瓊玖

重門行

瀟條共西野有城號重門重門幽幽深幾許齊芳歸
藩何足云公卿老淚空沾巾天道好還非少恩青山
斜照自今古禪陵西望猶比隣昔瞞搯忍不殺終
我四百爲虞賓延云得之羣盜手吾將誰欺欺彼旻
君不見鄧城南頭漢濁漉至今草樹淒無春

唐申王畫馬歌

花萼樓前閱庭實布乘黃朱笑群辟奔虹凝露故家
物詔寫真形出東壁申王天矯龍一種揮灑元精固

無匹龍池十日霹靂聲虜駟無光韋偃泣千年事往
失所在此紙流傳見真跡明牕不厭百回看飛電流
雲悵猶溼當時圖畫樂昇平轉首雲屯散榛棘儲皇
纔藉河隴餘旋復廓清唐再闢物感而衰固有時校
以倉皇易爲力漢家托地封狼北萬騎騰凌已無敵
更求駁骨張吾軍一綉風飛能事畢雖云中夏虢雄
強富不民藏孰共億聖謨經世了不刊收卷入囊三
歎息

秋澗著書圖歌贈畫工張仁卿

張生寫出秋澗圖先生胡爲此遊居知余讀書樂幽
寂况復野麋之性宜與水石俱西風蕭條秋氣餘浮
雲身世將何如江蘼託詠太哀怨老松卧壑甘扶疎

逢時不作棟樑用且須著論希潛夫盤盤澗曲深幾
許長吞遠汎知攸徂百川橫障使東往細大不擇羞
潢夸考槃有歌誰與伍山鳥山花吾友于張畫師王
宰徒雲煙落帟何舒徐吾令屏居日已久爲我作此
眞良謨平生未常學學焉於此初古人尚友無老壯
要欲靜泊志可明而遠可逾駸駸晚景幾桑榆不知
此去澹泊得似畫中無目明神王骨相矐一丘一壑
着幼與畢此一事爲成書此外何有於余乎此外何
有於余乎時集錄元幹鑑

秋澗先生大全文集卷第十

